



REPUBLIKA E SHQIPËRISË  
BASHKIA LEZHË  
KËSHILLI I BASHKISË LEZHË

Nr. 5910 Prot

Lezhë, më 05/05 /2026

VENDIM

Nr. 39, Datë 30. 04. 2026

**PËR MIRATIMIN E PLAN-MASAVE PËR PARANDALIMIN, MENAXHIMIN DHE SHUARJEN E ZJARREVE NË PYJE DHE KULLOTA SI DHE KRIJIMIN E NJËSIVE VULLNETARE TË SHUARJES SË ZJARREVE PËR VITIN 2026**

Bazuar në Ligjin nr.139, datë 17.12.2015 “Për vetëqeverisjen vendore”, ligjin nr. 8480, datë 27.05.1999 “Për funksionimin e Organeve Kolegjiale të Administratës Shtetërore dhe Enteve Publike”, Ligjin nr.57/2020, datë 30.04.2020 “Për Pyjet”, neni 30, pika 4, germa c, të ligjit nr. 9693, datë 19.03.2007 “Për Fondin Kollusor” i ndryshuar në ligjin nr.10431, datë 09.06.2011 “Për Mbrojtjen e Mjedisit” , ligjin nr. 45, datë 18.07.2019 “Për Mbrojtjen Civile”, ligjin nr.152, datë 22.12.2015 “Për Shërbimin e Mbrojtjes nga Zjarri dhe Shpëtimi”, VKM Nr.1080, datë 22.12.2010 “Mbi rregullat për parandalimin dhe shuarjen e zjarreve në pyje e kullota”, pas shqyrtimit të Planit të Masave, me propozim të Kryetarit të Bashkisë, Këshilli i Bashkisë Lezhë;

Vendosi :

1. Të miratojë Planin e Masave për parandalimin, menaxhimin dhe shuarjen e zjarreve në pyje e kullota si dhe krijimin e Njesisë Vullnetare të shuarjes së zjarreve për vitin 2026.
2. Për krijimin e Njësive Vullnetare ngarkohen Njësitë Administrative.
3. Për zbatimin e këtij vendimi ngarkohet Kryetari i Bashkisë.
4. Ky vendim hyn në fuqi sipas përcaktimeve të pikës 6 të nenit 55, të ligjit nr.139/2015 “Për Vetëqeverisjen Vendore”, i ndryshuar.

SEKRETARI  
FLORIDA ÇUNAJ

KRYETARI  
NDUE LULI





REPUBLIKA E SHQIPËRISË

BASHKIA LEZHË

DREJTORIA BUJQËSISË UJITJES DHE ADMINISTRIMIT TË PYJEVE  
SEKTORI INSPEKTIMIT MBROJTJES PYJEVE E KULLOTAVE

MIRATOHET  
KRYETARI I BASHKISË

Pjerin Ndreu

PLAN MASASH  
Nr 5302/ datë 23. 04 2026

PËR

PARANDALIMIN, MENAXHIMIN DHE SHUARJEN E ZJARREVE  
NË PYJE E KULLOTA, SI DHE PËR NGRITJEN E NJËSIVE VULLNETARE  
TË SHUARJES SË ZJARR EVE PËR VITIN 2026

Baza ligjore :

Ligji nr 115/ 2014 “ Për ndarjen Administrative – Territoriale të Njësive të Qeverisjes  
Vendore në Republikën e Shqipërisë “ Ligjit nr139/ 2015 “ Për vetëqeverisjen vendore “  
Ligji nr .57 datë 30.04.2020 ‘ Për pyjet “  
Ligji nr .9693 , datë 19.03.2007 “ Për fondin Kollusor “ i ndryshuar  
Ligji nr .10431 , datë 09.06.2011 “ Për Mbrojtjen e Mjedisit “  
Ligji nr 45 datë 18.07.2019 “ Për mbrojtjen Civile ‘  
Ligji nr . 152 , datë 21.12.2015 “ Për shërbimin e mbrojtjes nga zjarri dhe shpëtimi “  
VKM – ja. nr . 1080. datë 22.12.2010 ‘ Mbi rregullat për shuarjen e zjarreve në pyje e  
kullota

Përkufizime :

“ Rrezik zjarri “ është situata e krijuar nga akumulimi i faktoreve që nxisin mundësinë e  
nisjes së zjarrit dhe zhvillimit të tij .  
‘ Sisteme të diktimit – sinjalizimit “ janë pajisje që diktojnë, sinjalizojnë shfaqjen e tymit  
gazrave dhe zjarrit .  
“ Shërbimi vullnetar i mbrojtjes nga zjarri “ është organizimi i strukturës vullnetare  
për mbrojtjen nga zjarri dhe shpëtimi , nga organet e qeverisjes vendore , nga personat  
juridikë , që kryejnë veprimtarinë e tyre në Republikën e Shqipërisë , nga institucione dhe  
agjensi shtetërore , të cilat kanë përgjegjësi për administrimin e pasurive shtetërore me  
rezikshmëri nga zjarret  
“ Zjarr “ është dukuria e djegjes , e shoqëruar me nxehtësi të lartë tym dhe dritë në  
formë flakësh përcjellse .  
“ Zjarr normal “ është zjarri që shkakton dëm,për përballimin e të cilit janë të mjaftueshme  
forcat operacionale, mjetet dhe pajisjet e stacionit zjarrfikës të Bashkisë.

‘Zjarr masiv’ është zjarri që zhvillohet apo tenton të zhvillohet në sipërfaqe e volume te konsiderueshme për përballimin e të cilit përvec forcave operacionale mjeteve e pajisjeve që zotëron shërbimi zjarrfikës i një stacioni, kërkohet edhe pjesëmarrja për ndihmë nga stacionet zjarrfikse të Bashkive të tjera.

“Zjarr me përmasa të mëdha” është zjarri që zhvillohet në sipërfaqe e volume të mëdha për përballimin e të cilit , përveç forcave operacionale, mjeteve e pajisjeve që zotëron shërbimi zjarrfikës, kërkohet edhe pjesëmarrja për ndihmë e forcave e mjeteve të shërbimeve apo strukturave të tjera operuese.

“Organizim i ndërhyrjes në shuarjen e zjarrit dhe shpëtimi” është tërësia e masave teknike-organizative të nevojshme, për organizimin e forcave të ndryshme, mjeteve, pajisjeve zjarrfikse, metodave e taktikave, të cilat përdoren për ndërhyrjen në shuarjen e zjarrit, evakuimin dhe shpëtimin e jetës së njerëzve, kafshëve dhe pronës.

“Mbrotjtja e pyjeve dhe e tokës pyjore” është veprimtaria për parandalimin e degradimit, përtëritjes, ruajtjen dhe përmirsimin e pyjeve të burimeve pyjore e jo pyjore bashkëshoqëruese dhe të mjedisit pyjor nga faktorët njerëzor e natyrorë.

“Pyll bashkiak” është pylli në pronësi apo në përdorim të organeve të qeverisjes vendore.

“Emergjence civile” është situatë e papritur me pasoja negative për komunitetin dhe cenon sigurinë e tij, e cila shkaktohet nga fatkeqësitë që sjellin dëme të menjëhershme e të rënda për jetën e njerëzve, gjënë e gjallë , pronën, trashëgimin kulturore dhe mjedisin.

“Fatkeqësi natyrore” janë fatkeqësi që shkaktohen nga dukuri natyrore ekstreme që lidhen me tërmetet, përmytjet dhe vërshimet e ujit, temperaturat ekstreme dhe të tejzgjatura, rrëshqitjet arkitektonike, ortekët, erërat e forta në tokë dhe në det, zjarret masive në pyje, sëmundjet infektive masive dhe dukuri të tjera që ndikojnë në jetën e njerëzve, gjënë e gjallë, pronën, trashëgimin kulturore dhe mjedisin.

“Mbrotjtja Civile” është tërësia e masave të marra për parashikimin, parandalimin, lehtësimin, gadishmërinë, përgjigjen dhe rimëkëmbjen nga fatkeqësit natyrore dhe fatkeqësi të tjera, me qëllim mbrotjtjen e jetës së njerëzve, gjësë gjallë, pronën, trashëgimin kulturore dhe mjedisin.

Në rast se në fondin pyjore apo në një pjesë pylli, shkurre apo kullotë bie zjarr, organet e shërbimit pyjorë, organet e njësisë të qeverisjes vendore, cdo subjekt shtetëror apo privat, njësi apo rrepart ushtarak, shkollë, institucion publik dhe privat, si dhe cdo shtetas kanë për detyrë të lajmërojnë dhe të marrin pjesë në shuarjen e tij.

Bashkia Lezhë me strukturat e saj, Njësitë Administrative, Drejtorinë e Bujqësisë Ujitjes dhe Administrimin e Pyjeve, në zbatim të dispozitave ligjore si mësipër, për

parandalimin dhe menaxhimin e shuarjes së zjarreve në fondin pyjor- kullosor në administrimin e saj parashikon marrjen e masave organizative si më poshtë.  
Në rastet e zjarreve në pyje e kullota në territorin e Bashkisë Lezhë ngrihet dhe funksionon Shtabi i Mbrojtjes nga Zjarri dhe Shpëtimi i cili drejton dhe organizon gjithë veprimtarinë për:  
“ Organizimin e Ndërhyrjes në Shuarjen e Zjarrit dhe Shpëtimit”.

Ky shtab kryesohet nga Kryetari i Bashkisë Z. Pjerin Ndreu dhe përbëhet nga :

Z.Fatjon Zefi .

Zv/Kryetar i Bashkisë Lezhë, “ Sekretar i Shtabit.”

Z.Gjegj Prendi .

Drejtor i Emergjencave Civile. MZSH.

Z.Ferdinand Preçi.

Drejtor i Drejtorisë MZSh

Z.Leonard Palaj.

K/Inspektor i Policisë Bashkiake.

Z.Marta Fertaj.

Drejtor i Drejtorisë së Shërbimit dhe Kujdesit Social.

Z.Paulin Gjergji.

Drejtor i Drejtorisë Bujqësisë Ujitjes dhe Administrimit të Pyjeve.

Z. Rajmonda Prendaj .Administratore.

Njesia Administrative Zejmen.

Z.Xhovana Kodra .

Administratore.

Njesia Administrative Kolsh.

Z.Brahim Demi Administrator.

Njesia Administrative Shëngjin.

Z.Eridon Gjeloshi Administrator.

Njësia Administrative Balldre.

Z.Eraldo Marku Administrator.

Njësia Administrative Kallmet.

Z.Pjeter Gjini Administrator.  
Njësia Administrative Blinisht.

Z.Agustin Zefi Administrator  
Njësia Administrative Ungrej.

Pranë Drejtorisë së Bujqësisë, Ujitjes dhe Administrimit të Pyjeve, ngrihet Shtabi i Drejtorisë i cili ka të organizuar sistemin e vrojtimit- sinjalizimit me anë strukturës së Rojtarëve dhe Teknikëve, ( përsone përgjegjes të zonave pyjore)

Të gjitha Njësitë Administrative të Bashkisë Lezhë të organizojnë "Shërbim vullnetar te mbrojtjes nga zjarri".

Këto skuadra përbëhen nga 8-10 anëtarë dhe do të mbahen në efijencë të plotë nga Njësitë Administrative Nëpërmjet Rojtarëve dhe Teknikëve (përsone përgjegjes të zonave pyjore ) brenda territorit të Njesisë.

Skuadra e "Shërbimit vullnetarë të mbrojtjes nga zjarri" do të jenë strukturat e para së bashku me strukturat e tjera pyjore do të mbajnë nën kontroll zjarrin deri në mbërritjen e forcave dhe mjeteve që do të organizohen nga Shtabi i Bashkisë Lezhë.

Afati i realizimit : Prill 2026.

Struktura e Njesisë Vullnetare për shuarje Zjarri Rojtarë dhe Teknik ( përsone përgjegjës për zonat pyjore), nëpërmjet Drejtorisë Emergjencave Civile, Mbrojtjes nga Zjarri dhe Shpëtimiti, do të trajnohen dhe kualifikohen për mënyren e shuarjes së zjarrit në pyje dhe kullota.

Afati deri me 15 Maj 2026.

-----Bashkia Lezhë nëpërmjet strukturave të saj të Drejtorisë së Bujqësisë Ujitjes dhe Administrimit Pyjeve, Drejtorisë së Emergjencave Civile dhe MZSH, shoqatave te ndryshme të pyjeve e të tjerë do të organizojë takime dhe biseda sensibilizimi me kumonitetin e zonave pyjore, nxënësit e shkollave në këto zona për rendësin e mbrojtjes së pyjeve dhe kullotave.

Afati i realizimit gjatë gjithë vitit 2026.

-----Harta e Zonave të Rrezikuara nga Zjarri për Pyjet e Kullotat e cila përmban të gjitha objektet e ekspozuara nga zjarret, largësitë e tyre nga qendrat e banuara, pikat e vrojtimit sinjalizimit, rrugët për lëvizjen e mjeteve në territorin e Bashkisë Lezhë, do bëhet publike në të gjitha Njësitë Administrative të cilat kanë zonë pyjore të rrezikuar, shkolla si dhe ambiente të tjera publike.

Kjo hartë do të vihet në dispozicion edhe Drejtorisë së Emergjencave Civile dhe MZSH.

Afati muaj Maj 2026.

-----Punonjësit e Sektorit të Inspektimit Mbrojtjes Pyjeve e Kullotave dhe si punonjësit e Sektorit të Administrimit të Pyjeve pranë Drejtorisë së Bujqësisë Ujitjes dhe Administrimit Pyjeve. Rojtarët dhe Teknikët pyjore (përsona përgjegjës për zonat pyjore) detyrohen të mbajnë takime me Administratorët e Njësisë Administrative, me komunitetin e zonës, barinjët në kullota, subjekte të tjera që veprojnë në mjedisin pyjor e kullor me qëllim ndërgjegjësimin për rëndësinë e pyjeve dhe kullotave si dhe parandalimin e rënies së zjarreve.

Afati i realizimit: gjatë gjithë vitit.2026

-----Sektori i Inspektimit Mbrojtjes Pyjeve e Kullotave gjatë periudhës së emergjencës (Maj -Tetor) do të ketë në çdo moment lëvizjen e punonjësve. Për çdo lëvizje të libet numri i telefonit.

Afati i realizimit Maj-Tetor.

-----Rojtarët dhe teknikët pyjor (përsona përgjegjës për zonat pyjore) gjatë periudhës së emergjencës do të njoftojnë pranë Sektorit të Inspektimit Mbrojtjes Pyjeve Kullotave 4 (katër) herë në ditë përkatësishtë.

Në orën 08:00, 11:00, 15:00, 18:00 mbi situatën në zonën pyjore që mbulojnë.

Për informacionet që do jepen nga Rojtarët dhe Teknikë pyjorë do mbahen në Librin e Gadishmërisë që do ndiqet nga një punonjës i Sektorit të Inspektimit. (mosnjoftimi në kohë reale ngarkon me përgjegjësi personin përgjegjës).

-----Informacioni është i detyrueshëm gjatë gjithë vitit por në veçanti gjatë periudhës së Emergjencës nga muaji (Maj-Tetor).

-----Sektori i Inspektimit Mbrojtjes Pyjeve e Kullotave pranë Drejtorisë së Bujqësisë Ujitjes dhe Administrimit Pyjeve gjatë periudhës së emergjencës (Maj-Tetor), çdo të Hëne dorëzon pranë Bashkisë Lezhë evidencën operative të situatës javore për zjarret.

-----Në rastet e shfaqjes së zjarrit në zonë pyjore kullorore Rojtari dhe Tekniku i pyjeve kryen veprimet si më poshtë:

1-Njofton menjëherë në numrin e telefonit 128 Shërbimin Zjarrfikës dhe 129 të Policisë së Shtetit .

Ku prezanton veten me emer mbiemër dhe tregon vendodhjen e saktë si dhe vendin e vatrës së zjarrit duke dhënë pika orientuese të sakta dhe vendin e vatrës së zjarrit dhe përcaktimin e zonës pyjore ku ka rënë zjarri ( në pyje , kullota apo shkurre) .

2-Njofton Përgjegjësën e Sektorit Inspektimit dhe Mbrojtjes Pyjeve e Kullotave  
-----Në rastet e shfaqjes së zjarrit në zonë pyjore kullimore dhe marrjen e  
njoftimit nga Rojtari apo Tekniku i Pyjeve, Administratori i Njesisë Administrative  
kryen veprime si më poshtë:

1-Njofton Kryetarin e Bashkisë në pozicionin e Kryetarit të Shtabit ose njofton për  
situatën në grupin e Ëhatsapp.

2-Njofton Struktura të Njesisë Vullnetare për Shuarjen e Zjarrit e cila është ngritur dhe  
funksionon pranë Njesisë Administrimit në fjalë.

3-Të gjithë bashkë organizohen për shuarjen e zjarrit ose lokalizimin e tij deri në mbërritjen e  
forcave të specializuara për mbrojtjen nga zjarri.

Shtabi për Mbrojtjen nga Zjarri dhe Shpëtimi mbledhen në çdo kohë që shihet nga  
kryetari i saj.

Në këto mbledhje do të analizojë gjëndjen dhe do të përcaktojë masat që do merren në  
vazhdimësi në përputhje me që mund të krijohen .

Pregatit dhe përpilon komunikatën dhe informacione të tjera të nevojshme në funksion  
të situatës për punën e bërë në Mbrojtjen e Pyjeve dhe Kullotave nga zjarret.

-----Shtabi për Mbrojtjen nga Zjarri dhe Shpëtimi në rastet e “ Zjarreve Masive “ apo “  
Zjarreve me përmasave të mëdha “ sipas situatës që krijohet , i këkon Institucionit të  
Prefektit në pozicionin e Kryetarit të Shtabit Qëndror ndihmë për përballimin e situatës .

-----Të gjitha Strukturat e Bashkisë të cilat janë pjesë e planit të masave , duhet të  
pregatisin programin e detajuar për marrjen e masave për mbrojtjen e pyjeve e kullotave nga  
zjarri .

Afati i realizimit : Maj 2026.

-----Bashkangjitur planit të masave , kemi tabelën me të dhënat e Rojtarëve e  
Teknikëve që kanë në ruajtje pyje dhe kullota sipas Njesisë Administrative , dhe  
Ekonomive Pyjore , Skema e organizimit dhe Harta e Ekonomive Pyjore në të cilën  
pasqyrohen zonat me rrezikshmëri të lartë zjarri që përbëhen nga Formacionet e Pyjeve  
të Halorëve ( pishë e zezë, pishë e egër, pishë e butë etj ) .

Hartoi :  
Përgjegjësi i Sektorit  
Viktor Ujkaj



DREJTORI  
Paulin Gjergji



**LISTA EMRORE E ROJTARËVE DHE TEKNIKËVE ,DHE ZONAT  
ME SIP / HA QË KANË NË RUAJTJE  
SI DHE NUMRAT E KONTAKTIT**



VITI 2026

EMRI MBIEMRI	EKONOMIA PYJORE	SIP në / Ha	Fshatrat në zonën Pyjore	Nr celularit
Bardhok Kovaci	MALUNG	1714.07	Prull, Tresh, Spiten, M-Tomaj, Zejmen , Pllanë. Njësia Adm ZEJMEN	0692540935
Endrit Kthella	MALUNG	842.94	Grykë/Manati, Manat, Manati Vjetër.. NjAdm KOLSH	0694694955
Mark Lesaj	MALUNG	1149.44	Kaçinar, Lalm, Patalej, Gjash, Velë. Nj. Administrative KOLSH	0682360966
Pal Gjetaj	MALUNG	661.17	Kolsh , Grykë Manati Nj. Ad KOLSH	0682535630
Mirsad Lushaj	ZADRIMË	1549.90	Merqi, Rrobo, Kall, K/Vogël. Nj/Ad Kallmet	0699119427
Kleventina Lleshi	ZADRIMË	1607.57	Troshan , Fishtë, Krajen , Kodhel , Nj/ Administrative BLINISHT	0672568646
Vakant	M. KAKARRIQ	791.56	Kakarriq , Nj/ Ad . BALLDRE	
Fatjon Gjini	M.KAKARRIQ	1201.04	Balldre , Torovicë, Shkami i Kuq Nj/ Administrative . BALLDRE	0682045444
VAKANT	B. TERTONIT	2651.00	Kalur , Ungrej , Sukaxhi . Nj/ Administrative UNGREJ	Vakant
Pjetër Gjonocaj	B. TERTONIT	2602.62	Ungrej , Fregen . ½ Kalur Nj/ Administrative UNGREJ	0693622206
Pëllumb Ndreca	B. KRESHTËS	2215.80	Zimaj, Kalivaç, Rras , Fregen .Nj/ Ad UNGREJ	0682129286
Gjon Brokshi	N. KRESHTËS	2402.34	Kashnjet, Sukaxhi, Kalivaç, Gjobar dhaj. Q. Pazarit. Nj/ UNGREJ	0684715669
Prell Malaj	M. RRENXIT	1393.04	Komplet Malin e Shëngjinit Nj/ Ad. SHËNGJIN	0673977077

Përgjegjësi  
Viktor Ujkaj



**Skema e organizimit, detyrat kryesore të strukturave për shuarjen e zjarreve në pyje dhe kullota**



# HARTA E PYJEVE DHE KULLOTAVE BASHKIA LEZHE


NDARE SIPAS PROMESISE

SH = 1 : 50.000

BASHKIA SHKODER

BASHKIA VAU DEJES

BASHKIA PUKU



DETI  
ADRIATIK

BASHKIA MIRETTE

## SHPJEGUES

- PYJE Bashkik
- PYJE PRIVAT
- KULLOTA
- KULLOTA
- ZONA E MBRONJTUR
- ZONE BUFERIKE
- RRUGE AUTO
- SIPERFAQE INPRODUKTIVE
- MONUMENTE NATYRE
- FABRIKE CIMENTOJE
- EKONOMI SUJQESORE
- KUVI EKONOMIE

**EKONOMI PYJORE**  
**SHENESAR NIE NIE**  
 1. SHINGJES - TALLI  
 2. HOLEKJE  
 3. LINDORRE  
 4. BISHKAT E BISHKATIS  
 5. BISHKAT E TIRANIT  
 6. VILLA TIRANIT  
 7. VILLA BASHKUTIT

**BASHKIA KURBIN**  
 PARCELAT E KONTURUJARA ME VIJE TE VERDHE JANE ZONA ME  
 HREZIKSHMERI TE LARTE ZIRRI PASI JANE TE FERBERA NGA PYJE  
 HALORE.



Nr. 5810/ prot  
Dt. 11-05-2026

c.b

REPUBLIKA E SHQIPËRISË

PREFEKTI I QARKUT LEZHË  
SEKTORI JURIDIK

Nr. 465/6 Prot.

Lezhë, më 11.05.2026

**Lënda: Konfirmim vendimi**

**KËSHILLIT TË BASHKISË LEZHË**

**Për Dijeni : KRYETARIT TË BASHKISË LEZHË**

Bazuar në nenin 16 pika 2 gërma "b" të ligjit Nr. 107/2016, datë 27.10.2016 "Për Prefektin e Qarkut" i ndryshuar; ligjin nr. 139/2015 "Për vërtetëqeverisjen vendore", ligjin nr. 57/2020 datë 30.04.2020 "Për pyjet"; ligjin nr. 9693, datë 19.3.2007 "Për fondin kullosor" i ndryshuar, ligjin nr. 10431, datë 9.6.2011 "Për mbrojtjen e mjedisit" i ndryshuar, ligjin nr. 45/2019 "Për mbrojtjen civile", ligjin nr. 152/2015 "Për shërbimin e mbrojtjes nga zjarri dhe shpëtimin" i ndryshuar, VKM-në nr. 1080, datë 22.12.2010 "Për rregullat për parandalimin dhe shuarjen e zjarreve në pyje dhe në kullota, si dhe për krijimin e njësive vullnetare të shuarjes së zjarreve", konfirmoj bazueshmërinë ligjore të vendimit nr. 39, datë 30.04.2026 të Këshillit të Bashkisë Lezhë "Për miratimin e plan-masave për parandalimin, menaxhimin dhe shuarjen e zjarreve në pyje dhe kullota si dhe krijimin e njësive vullnetare të shuarjes së zjarreve për vitin 2026".

**PREFEKTI**

**Taulant MALSHI**

